

Privremene dodatne preporuke Stručnog savjetodavnog tijela za imunizaciju Federalnog ministarstva zdravstva vezane za vakcinaciju protiv COVID-19

13.9.2022.

1. Preporuke SST za imunizaciju za revakcinaciju (buster) s bivalentnom vakcinom protiv COVID-19 prilagođenom omikron varijanti

SST za imunizaciju preporučuje, kao dopunu programu imunizacije protiv COVID-19 u sezoni jesen/zima 2022/2023, korištenje bivalentne (originalni soj/omikron BA.1) vakcine protiv COVID-19 prilagođene omikron varijanti za revakcinaciju (buster doza). Europska agencija za lijekove (EMA) je dala pozitivno mišljenje 1.9.2022. godine za korištenje bivalentnih vakcina originalni soj/omikron BA.1 od dva proizvođača.

Ranije preporučene monovalentne mRNK vakcine i dalje se mogu koristiti za revakcinaciju i pružaju vrlo dobru zaštitu od teških oblika bolesti COVID-19, kao i za primarnu vakcinaciju. Pravovremenost revakcinacije je važnija od vakcine koja se koristi za revakcinaciju.

Prioritet za revakcinaciju su ranjive skupine koje su pod rizikom od razvoja teške bolesti. Također, treba uzeti u obzir revakcinaciju zdravstvenih djelatnika. Revakcinacija je moguća najmanje 3 mjeseca nakon prethodne doze. Pri provođenju programa imunizacije protiv COVID-19 treba uzeti u obzir operativnu fleksibilnost radi što većeg obuhvata i individualne okolnosti.